

فتاوى 5 الشيخ فريد الأنصاري irasnAla diraF

فريد الأنصاري

صلوا على خير الانام المصطفى بدر التمام. صلوا عليه وسلموا يشفع لنا يوم الزحام. حليمة لما رأت. انواره قد اشراقا وقبلت تحت اللثام. صلوا على خير الانام صلوا عليه وسلموا يشفع لنا يوم الزحام - [00:00:06](#)

فاقبلت وهي تقول لبعضها منا القبول. لا شك فيها ذا الرسول هذل المضلل بالغمال طيب هذه امرأة تسأل انه كثير من الايات ما كتفهمش المعنى ديالها رغم انها كتختتم القرآن مرات ومرات طيب مزيان اولاً - [00:00:46](#)

التعامل مع كتاب الله عز وجل عندو واحد العدد ديال الدرجات كاينة الدرجة اللولة لي الإنسان كيقرأ وما كيفهمش كيقرأ وما امشي انما كيقرأ او ما كيفهمش يعني يعني ما كيفهمش كاع فخطرة ما عدناش هدي ما موجوداش بين المسلمين علاش ما موجوداش - [00:01:12](#)

ماموجوداش لأن الحمد لله العامية يعني هاد الكلام ديال الدارجة اللي كانتكلموا به مابعيدشاي عالربية بالزاف قريب ماشي بعيد بالزاف ولذلك انا عارفو نتوما عارفين باليقين باليقين مفيهش الشك. انه مرا نفرضو واحد المرا عمرها الى قرات في المدرسة مكتعرفش كاع اللغة العربية الفصحى. ولكن تسمع الناس كيقرأوا القرآن - [00:01:32](#)

ماشى ما كتفهمش ما كتفهمش المعاني الجزئية المعاني الدقيقة ما كتفهمهاش اما المعنى العام كتفهمو يعني كتعرف بأنه هاد الآيات راها على جهنم وكتعرف بأن هاد الآيات كتكلم على الجنة كتعرف هادشي مكينش مكيعرفوشاي لكن الآية الفلانية بالضبط وبالتدقيق يمكن متفهموشاي فعلاً - [00:01:52](#)

لا بأس بهذا يعني ماشى مشكل كبير لأنه الله سبحانه وتعالى هادي درجة اللولة عطى فيها الأجر للتلاوة راه كل حرف كتقرايه عندك عشرة د الحسنات ومحدك تقراي ونتي كتعلاي اقرأ وارتي راه شيء عجيب جدا فلذلك لا ضرر ولا ضرير لكن - [00:02:12](#)

لكن واجب علينا نتعلمو بمعنى انه هدا كتاب الله سبحانه وتصورى نعطيك واحد المثال كتجيك برية المرا الى كان عندها لولاد بعاد مثلا او الرجل دياها كي تجيها برية بعيدة من اوروبا او امريكا او من الشرق العربي اذا كان هاد اللي صيفط برياً ولد محبوب - [00:02:32](#)

او زوج غايب وكدا الى اخره ديك الرسالة شحال كنعطينيو بيها ؟ وانا كنشوف ملي كنت صغير تا الان كنشوف الامهات ملي كتجيهها شي ام برية من ولدها غايب عليها - [00:02:52](#)

شحال من شحال من سنة والله باقي نعقل على هاد الحالة وانا صغير كنت واحد المرا من العائلة ديانا كانقرا لها البراوات دياها كانت مرا امية ماتقراش كاتقبط هاديك البرية وتعطيها - [00:03:02](#)

غادي نقرا نقرا لها وتبكي وتقبط عاود ديك المرا وتشدها ماكترميهاش كاتحتفظ بها تعاود واحد دوز واحد المدة هي نيت هاديك المرا تعاود تعطيني نقراها من جديد تعاود نقراها من جديد وتأسر بيا ما شاء الله وتعاود تقبطها وتخبعها - [00:03:12](#)

هذا برية جاية من بنادم لعند بنادم. برية ديال اله لأن القرآن رسالة راه ما هو الا رسالة رسالة صيفطها رب العالمين ليها وليك او لخر او لخر او لآخر. رسالة الله. فهاد الرسالة هادي واجب علينا نقراوها او نعاودوها او نعاودوها - [00:03:32](#)

كثر مما كنقراو الرسائل ديال لولاد ديانا والاحباب ديانا والازواج ديانا. ماشى معقول باش يعني الانسان يقرأ القرآن واحد المرة او ميقرأه تا مرة. ويرميه هذا منكر كبير. لابد من الانسان انه يبدا يقرأ القرآن. طيب اذا كان كيقرأ اذا القرآن كثير فلا شك انه باذن الله عز

وجل - [00:03:52](#)

غادي يبدأ يفهم اليوم وغدا وبعد غدا غادي يفهم أكثر وأكثر وأكثر مايتقلقش الإنسان يعني يصبر راه مازال يزيد ربي تعالى يعلمو أكثر وأكثر فإذا المداومة على الذكر ذكر الله عز وجل والقرآن هو رأس الذكر وسيد الذكر كيفقه القلب فديك المعاني - [00:04:12](#)

هذا مستوى مستوى آخر أعلى أنا نطلب العلم وطلب العلم فريضة على كل مسلم ومسلمة واجب علينا أنا نبدأ نتعلمو ونمشيو نقلبو على مجالس التفسير باش نسمعو وباش نبدأ نتعلمو لأنه دائما لي علمو الله تعالى شي معنى ويخدم بيه كيكون حسن من لآخر أنا يخشى الله من - [00:04:32](#)

عباده العلماء دائما مالين العلم الدرجة ديالهم عالية إذا طبقوا الدرجة ديال أهل العلم اللي علمهم الله تعالى إذا كانوا صادقين في علمهم وأما العالم الصادق من عمل بما علم ولهذا واجب يعني على هاد المؤمنة هادي - [00:04:52](#)

أولا ماتقلقش ماضيقش وأخا ماكاتفهمش را عندها واحد الخير كبير غير بالتلاوة غي بالقراءة ولكن راه بإذن الله عز وجل خصها تبدأ تعلم هذه امرأة المبتلات ابتلاها الله تعالى بزواج سكير مع الأسف الشديد يعني وكتكلم يعني بأحوال أنا بالنسبة ليا عندها الحق فيما - [00:05:12](#)

نقول إذا كانت الحكاية هي هادي لأنه خدام فحانة مع الأسف الشديد نطلبو الله تعالى يعفو علينا وعليه هي توجه لله سبحانه وتعالى بالدعاء راه دعاء الأخت الكريمة يرد القضاء في الحديث الصحيح الدعاء يرد القضاء يعني توجهي الله سبحانه وتعالى قومي بجوف الليل - [00:05:32](#)

فتلت الليل الأخير وتوضاي وتوجهي الله تعالى قاع لي ضاقت بها الضائقة فشي أمر من الأمور يا أما ضائقة مالية تزييرت بها الدنيا في المال يا أما مرض عافانا الله وإياكم يا اللي كان من هموم الدنيا كلها نوضي بالليل نوضي بالليل ودقي باب - [00:05:52](#)

راه كايين باب الله سبحانه وتعالى وكيففتح راه ما كيسد الباب على حتى واحد. وقال ربكم ادعوني استجب لكم. وإذا فسألك عبادي عني فاني قريب. اجيب دعوة الداعي إذا دعان. فليستجيبوا لي. وليؤمنوا بي لعلهم يرشدون. فلذلك دقي - [00:06:12](#)

جاء الله في جوف الليل يفتح لك الله. والله سبحانه وتعالى ضمن لك أنه إلى طلبتيه بصدق وبكيتي عليه ربي يجاوبك. وغادية تشوفي البرهان بذاك الدعاء ديالك أو بديك العبادة ديالك. طلبي الهداية للزوج ديالك. لأن قلبو راه ماشي بيدك. قلبو بيد لي خلقو هو لي راه مقدر لو سبحانه وتعالى - [00:06:32](#)

أنا باش يكون فهاديك الحالة بما كسبت نفسه يعني هو نيتو ما كانتش صالحة ولكن الله عز وجل يعني جعلهم في تلك الحال شاء الله قلبه إلى أفضل حال. القلوب بين أصبعين من أصابع الرحمن يقلبها سبحانه كيف يشاء. ولذلك توجهي لله واطلبي - [00:06:52](#)

وبكي على اله لعله رجلك يعاود يتوب ويصلح حالو ويولي خير منك. وهادشي شفناه شحال من مرة سبحان الله العظيم. شفناه شحال من مرة. كانت زوجات مؤمنات ابتلاههم الله بأزواج سكارى مفلسين ميصالحو لتا صالحة. أو بقاو صابرين صابرين أو بالدعاء أو التقرب إلى الله سبحانه وتعالى - [00:07:12](#)

حتى جات الوقت اللي ربيتها على آدم أعطى الإذن أعطى الإذن سبحانه فإذا به أحوال هادي دابا كانتكلم على واحد الحالة كانشوفها بعيني بخيالي الآن ديال واحد السيد كنعرفو فإذا اله عز وجل كيقلب الحالة ديالو من شيطان من شيطان مرة إلى أحوال الملائكة شي غريب جدا - [00:07:32](#)

راه ربي كايين سبحانه وتعالى متيأس تا واحد إيه هل يمكن تأخير صلاة الشفع والوتر إلى صلاة الفجر؟ نعم ولكن على أشرت أن تؤدي قبل الصلاة قبل الأذان يعني قبل الأذان ديال الفجر. ما تخلهش تيدخل عليك الفجر. ولذلك في الحديث فإذا خفت الفجر فأوتر بواحدة. ملي تشوفي - [00:07:52](#)

الفجر راه غادي صافي خاص ديك الساعة تودري يعني هادي امرأة تشتكي من أخيها كتقول بأنه كيأديها وتكرفص عليها ودعاتو للمحكمة وخايفة من أنه يعاقبها الله بقطع صلة الرحم. ليلي كان إذا كان هاد الأخ هو كيأديها فعلا دابا غير تكون هي صادقة فهاد الكلام لي قالت. أنا راني - [00:08:12](#)

كنحكم على داكشي لي سمعت فإذا كان صحيح أنه كيأديها وتكرفص عليها حساب داكشي ديال الرسالة راه هو لي يتعاقب ماشي هي

لأن هو لي هو دابا هي مرا هو لي بعدا اولا الشرع مطلوب منو يزورها ماشي هي تزورو ها واحد تانيا نفرضو بقات هاديك لمرا مبقالها ولي ولا تالي بمعنى انه - [00:08:32](#)

من القتل اللي ينفق عليها. راه واجب عليه في شرع الله باش ينفق عليها. المرأة الا مبقالهاش والديها مبقاتش عائلتها ومبقالها غي خوها. هداك الأخ دبالها واجب عليه في شرع الله ينفق عليها كيما كينفق على بنتو. ولذلك راه هو لي يتعاقب ماشي هي - [00:08:52](#)